

EKP „ELKER“ a.d. Ljubija

FINANSIJSKI IZVJEŠTAJI

Za godinu koja se završava 31. decembra 2024. godine i
Izvještaj nezavisnog revizora

SADRŽAJ:

	Strana
IZVJEŠTAJ NEZAVISNOG REVIZORA	3-6
FINANSIJSKI IZVJEŠTAJI ZA GODINU KOJA SE ZAVRŠAVA 31.12.2024. GODINE	
- Izvještaj o ukupnom rezultatu u periodu (Bilans uspjeha)	8
- Izvještaj o finansijskom položaju (Bilans stanja)	9
- Izvještaj o promjenama na kapitalu	10
- Izvještaj o tokovima gotovine u periodu	11
- Napomene uz finansijske izvještaje	12-29

IZVJEŠTAJ NEZAVISNOG REVIZORA

Aкционарима и управном одбору

EKP „ELKER“ a.d.

Ljubija

Mišljenje

Izvršili smo reviziju priloženih finansijskih izvještaja akcionarskog društva EKP „ELKER“ a.d. Ljubija (u daljem tekstu: Društvo) koji obuhvataju izvještaj o finansijskoj poziciji na dan 31. decembra 2024. godine, izvještaj o ukupnom rezultatu, izvještaj o promjenama na kapitalu i izvještaj o tokovima gotovine za period koji se završava na taj dan, kao i napomene koje sadrže pregled pregled značajnih računovodstvenih politika i druge objašnjavajuće informacije.

Prema našem mišljenju, priloženi finansijski izvještaji istinito i objektivno, po svim materijalno značajnim pitanjima, prikazuju finansijski položaj akcionarskog društva EKP „ELKER“ a.d. Ljubija na dan 31. decembra 2024. godine, njegovu finansijsku uspješnost i tokove gotovine za godinu koja se završava na taj dan u skladu sa Međunarodnim standardima finansijskog izvještavanja (MSFI) koji se primjenjuju u Republici Srpskoj.

Osnova za mišljenje

Reviziju smo izvršili u skladu sa Zakonom o računovodstvu i reviziji Republike Srpske i Međunarodnim standardima revizije (MSR). Naše odgovornosti u skladu sa tim standardima su detaljnije opisane u odjeljku izvještaja koji je naslovljen *Odgovornost revizora za reviziju finansijskih izvještaja*. Mi smo nezavisni u odnosu na Društvo u skladu s *Etičkim kodeksom za profesionalne računovođe* Odbora za Međunarodne etičke standarde za računovođe (IESBA Kodeks), kao i u skladu sa etičkim zahtjevima koji su relevantni za našu reviziju finansijskih izvještaja u Republici Srpskoj i ispunili smo naše druge etičke odgovornosti u skladu sa ovim zahtjevima i IESBA Kodeksom. Smatramo da su revizijski dokazi koje smo pribavili dovoljni i adekvatni da nam pruže osnovu za naše mišljenje.

Ključna revizorska pitanja

Ključna revizijska pitanja su pitanja koja su, po našem profesionalnom prosudjivanju, bila od najvećeg značaja u našoj reviziji finansijskih izvještaja za tekući period.

Ova pitanja su razmatrana u kontekstu revizije finansijskih izvještaja u cjelini i u formiranju našeg mišljenja o njima i ne iznosimo izdvojeno mišljenje o ovim pitanjima.

1. Vrednovanje poslovnih prihoda (napomena 4.1.)

<i>Opis ključnog pitanja</i>	<i>Kako se u reviziji bavilo s tim pitanjem</i>
<p>Društvo je za period 2024. godine iskazalo ukupno poslovne prihode, u iznosu od 18.832.050 KM, od čega se 9.245.718 KM odnosi na prihode od prodaje robe, 9.405.277 KM na prihode od prodaje proizvoda, 101.000 KM na prihode od pruženih usluga, 47.655 KM na povećanje vrijednosti zaliha učinaka i 32.400 KM na ostale poslovne prihode.</p> <p>Poslovni prihodi su izabrani kao ključno revizorsko pitanje zato što predstavljaju značajnu stavku u finansijskim izvještajima, te postoji inherentan rizik kada je u pitanju ispravnost priznavanja ovih prihoda.</p>	<p>Na bazi uzorka izvršili smo provjeravanje osnova za priznavanje navedenih prihoda. Ti postupci podrazumijevaju pregled izlaznih računa, faktura, kao i druge povezane dokumentacije.</p> <p>Takođe utvrdili smo da li su iskazani prihodi prezentovani u ispravnom obračunskom periodu.</p> <p>Na osnovu sprovedenih procedura, nismo uočili bilo kakve značajne nedostatke u vezi sa ovim pitanjem.</p>

2. Vrednovanje i prezentacija nekretnina, postrojenja i opreme (napomena 7.)

<i>Opis ključnog pitanja</i>	<i>Kako se u reviziji bavilo s tim pitanjem</i>
<p>Društvo je u finansijskim izvještajima na dan 31.12.2024. godine iskazalo nekretnine, postrojenja i opremu ukupne neamortizovane vrijednosti 995.216 KM.</p> <p>Ova imovina je istaknuta kao ključno revizorsko pitanje s obzirom na značaj ove stavke u finansijskim izvještajima, njene strukture te početnog i naknadnog priznavanja.</p>	<p>Pregledali smo dokumentaciju o vlasništvu nad nekretninama.</p> <p>Uvjerili smo se u postojanje i fizičko stanje građevinskih objekata i opreme i provjerili postojanje dokaza koji ukazuju na obezvređenje.</p> <p>Pregledali smo obračun amortizacije nekretnina i opreme, provjerili osnovanost pretpostavki za utvrđivanje amortizacionih stopa i matematičku tačnost obračuna.</p> <p>Pregledali smo prezentaciju dugoročne imovine u izvještaju o finansijskom položaju i napomenama uz finansijske izvještaje.</p> <p>Na osnovu sprovedenih procedura, nismo uočili bilo kakve značajne nedostatke u vezi sa ovim pitanjem.</p>

Odgovornost rukovodstva i lica ovlašćenih za upravljanje za finansijske izvještaje

Rukovodstvo je odgovorno za pripremu i fer prezentaciju ovih finansijskih izvještaja u skladu sa MSFI i za one interne kontrole za koje odredi da su potrebne za pripremu finansijskih izvještaja koji ne sadrže materijalno značajne pogrešne iskaze, nastale uslijed kriminalne radnje ili greške.

Pri sastavljanju finansijskih izvještaja, rukovodstvo je odgovorno za procjenu sposobnosti

Društva da nastavi sa poslovanjem u skladu sa načelom stalnosti, objelodanjujući, po potrebi, pitanja koja se odnose na stalnost poslovanja i primjenu načela stalnosti poslovanja kao računovodstvene osnove, osim ako rukovodstvo namjerava da likvidira Društvo ili da obustavi poslovanje, ili nema drugu realnu mogućnost osim da to uradi.

Lica ovlašćena za upravljanje su odgovorna za nadgledanje procesa finansijskog izvještavanja Društva.

Odgovornost revizora za reviziju finansijskih izvještaja

Naš cilj je sticanje uvjeravanja u razumnoj mjeri o tome da finansijski izvještaji, uzeti u cjelini, ne sadrže materijalno značajne pogrešne iskaze, nastale uslijed kriminalne radnje ili greške; i izdavanje izvještaja revizora koji sadrži naše mišljenje. Uvjeravanje u razumnoj mjeri označava visok nivo uvjeravanja, ali ne predstavlja garanciju da će revizija sprovedena u skladu sa Međunarodnim standardima revizije uvijek otkriti materijalno pogrešne iskaze ako takvi iskazi postoje. Pogrešni iskazi mogu da nastanu uslijed kriminalne radnje ili greške i smatraju se materijalno značajnim ako je razumno očekivati da će oni, pojedinačno ili zbirno, uticati na ekonomске odluke korisnika donesene na osnovu ovih finansijskih izvještaja.

Kao dio revizije u skladu sa MSR, mi primjenjujemo profesionalno prosuđivanje i održavamo profesionalni skepticizam tokom revizije. Isto tako, mi:

- Vršimo identifikaciju i procjenu rizika od materijalno značajnih pogrešnih iskaza u finansijskim izvještajima nastalih uslijed kriminalne radnje ili greške; osmišljavamo i obavljamo revizijske postupke koji su prikladni za te rizike i pribavljamo dovoljno adekvatnih revizijskih dokaza da obezbijede osnovu za mišljenje revizora. Rizik da neće biti identifikovani materijalno značajni pogrešni iskazi koji su rezultat kriminalne radnje je veći nego za pogrešne iskaze nastale uslijed greške, zato što kriminalna radnja može da uključi udruživanje, falsifikovanje, namjerne propuste, lažno predstavljanje ili zaobilaženje interne kontrole.
- Stičemo razumijevanje o internim kontrolama koje su relevantne za reviziju radi osmišljavanja revizijskih postupaka koji su prikladni u datim okolnostima, ali ne u cilju izražavanja mišljenja o efikasnosti sistema interne kontrole Društva.
- Vršimo procjenu primijenjenih računovodstvenih politika i u kojoj mjeri su razumne računovodstvene procjene i povezana objelodanjivanja koje je izvršilo rukovodstvo.
- Donosimo zaključak o prikladnosti primjene načela stalnosti kao računovodstvene osnove od strane rukovodstva i, na osnovu prikupljenih revizijskih dokaza, da li postoji materijalna neizvjesnost u vezi sa događajima ili uslovima koji mogu da izazovu značajnu sumnju u pogledu sposobnosti Društva da nastavi sa poslovanjem u skladu sa načelom stalnosti. Ako zaključimo da postoji značajna neizvjesnost, dužni smo da u svom izvještaju skrenemo pažnju na povezana objelodanjivanja u finansijskim izvještajima ili, ako takva objelodanjivanja nisu adekvatna, da modifikujemo svoje mišljenje. Naši zaključci se zasnivaju na revizijskim dokazima prikupljenim do datuma izvještaja revizora. Međutim, budući događaji ili uslovi mogu za posljedicu da imaju da Društvo prestane da posluje u skladu sa načelom stalnosti.
- Vršimo procjenu ukupne prezentacije, strukture i sadržaja finansijskih izvještaja, uključujući i objelodanjivanja, kao i da li su u finansijskim izvještajima prikazane osnovne transakcije i događaji na takav način da se postigne fer prezentacija.

Saopštavamo licima ovlašćenim za upravljanje, između ostalog, planirani obim i vrijeme revizije i značajne revizijske nalaze, uključujući i sve značajne nedostatke interne kontrole koje smo identificovali tokom revizije.

Takođe, dostavljamo licima ovlašćenim za upravljanje izjavu da smo usklađeni sa relevantnim etičkim zahtjevima u pogledu nezavisnosti i da ćemo ih obavijestiti o svim odnosima i ostalim pitanjima za koje razumno da se pretpostavi da utiču na našu nezavisnost, kao i, gdje je to moguće, o povezanim mjerama zaštite.


Od pitanja koja su saopštena licima ovlašćenim za upravljanje, mi određujemo koja pitanja su bila od najveće važnosti u reviziji finansijskih izvještaja za tekući period i stoga su ključna revizijska pitanja. Mi opisujemo ova pitanja u izvještaju revizora, osim ako zakon ili regulativa isključuje javno objelodanjivanje o tom pitanju ili kada, u izuzetno rijetkim okolnostima, utvrdimo da pitanje ne treba da budu uključeno u izvještaj revizora, zato što je razumno očekivati da negativne posljedice budu veće nego koristi od takve komunikacije.

Partner u angažovanju na reviziji na osnovu kog je sastavljen ovaj izvještaj nezavisnog revizora je Slobodan Lukić, ovlašćeni revizor.

Adresa revizorskog društva: Petra Preradovića 21, Banja Luka

Datum izvještaja nezavisnog revizora: 16.05.2025. godine

Direktor:



Milenko Vračar

Ovlašćeni revizor:

Slobodan Lukić



EKP „ELKER“ a.d. Ljubija

**Finansijski izvještaji
za period koji se završava 31. decembra 2024. godine**

Prijedor, februar 2025.

IZVJEŠTAJ O UKUPNOM REZULTATU

u periodu od 01.01.2024. do 31.12.2024. godine

(u KM)

<i>Opis</i>	<i>Napo- mena</i>	2024.	2023.
Poslovni prihodi	4.1.	18.832.050	14.008.589
Prihodi od prodaje robe		9.245.718	6.998.327
Prihodi od prodaje proizvoda		9.405.277	6.975.462
Prihodi od pruženih usluga		101.000	-
Povećanje (smanjenje) vrijednosti zaliha		47.655	2.400
Ostali poslovni prihodi		32.400	32.400
Poslovni rashodi	5.1.	18.449.680	13.758.768
Nabavna vrijednost prodate robe		9.206.252	6.748.345
Troškovi materijala		8.314.707	6.188.541
Troškovi goriva i energije		157.550	163.034
Troškovi zarada, naknada i ostalih ličnih rashoda		353.468	261.695
Troškovi proizvodnih usluga		167.878	153.279
Troškovi amortizacije i rezervisanja		144.514	148.173
Nematerijalni troškovi		81.881	77.121
Troškovi poreza		23.430	18.580
Poslovni dobitak (gubitak)	6.	382.370	249.821
Finansijski prihodi	4.2.	470	341
Finansijski rashodi	5.2.	777	202
Dobitak (gubitak) redovne aktivnosti	6.	382.063	249.960
Ostali prihodi		16.057	-
Ostali rashodi	5.3.	76.215	14.000
Prihodi od usklađivanja vrijednosti imovine		-	-
Rashodi od usklađivanja vrijednosti imovine		77.765	-
Dobitak (gubitak) prije oporezivanja	6.	244.140	235.960
Tekući i odloženi porez na dobit		(20.605)	(25.286)
Neto dobitak (gubitak) perioda	6.	223.535	210.674

Napomene na narednim stranama
čine sastavni dio ovih finansijskih izvještaja

IZVJEŠTAJ O FINANSIJSKOM POLOŽAJU

na dan 31.12.2024. godine

(u KM)

Opis	Napo-mena	31.12.2024.	31.12.2023.
AKTIVA			
Nekretnine, postrojenja i oprema	7.	995.216	698.888
Zalihe i dati avansi	8.	461.446	259.909
Kratkoročna potraživanja	9.	2.225.875	1.254.419
Gotovinski ekvivalenti i gotovina	10.	924.810	185.607
Porez na dodatu vrijednost	11.	33.891	38.269
Aktivna vremenska razgraničenja			
Ukupna aktiva		4.641.238	2.437.092
PASIVA			
Akcijski kapital	12.	390.292	390.292
Neraspoređeni dobitak	12.	1.929.060	1.581.525
Dobavljači i primljeni avansi	13.	2.269.029	415.348
Obaveze za zarade i naknade	14.	42.175	26.856
Obaveze za poreze i doprinose	15.	10.682	23.071
Pasivna vremenska razgraničenja			
Ukupna pasiva		4.641.238	2.437.092

Napomene na narednim stranama
čine sastavni dio ovih finansijskih izvještaja

IZVJEŠTAJ O PROMJENAMA U KAPITALU

Za period koji se završava na dan 31.12.2024. godine

(u KM)

Vrsta promjene u kapitalu	Akcijski kapital	Akumulisani neraspoređeni dobitak/nepokriveni gubitak	Ukupno
Stanje na dan 01.01.2023.	390.292	1.383.097	1.773.389
Efekti revalorizacije	-		
Dobit/(gubitak) za godinu	-	210.674	210.674
Drugi oblici raspodjele dobiti i pokriće gubitka	-	(12.246)	(12.246)
Stanje na dan 31.12.2023.	390.292	1.581.525	1.971.817
Efekti revalorizacije	-		
Dobit/(gubitak) za godinu	-	223.535	223.535
Drugi oblici raspodjele dobiti i pokriće gubitka	-	-	-
Ostale promjene		124.000	124.000
Stanje na dan 31.12.2024.	390.292	1.929.060	2.319.352

Napomene na narednim stranama
čine sastavni dio ovih finansijskih izvještaja

IZVJEŠTAJ O TOKOVIMA GOTOVINE

U periodu od 01.01.2024. do 31.12.2024. godine

(u KM)

Opis	2024.	2023.
Tokovi gotovine iz poslovnih aktivnosti		
Prilivi od kupaca i primljeni avansi u zemlji	20.914.084	16.534.978
Prilivi od kupaca i primljeni avansi u inostranstvu	50.469	16.906
Ostali prilivi iz poslovnih aktivnosti	8.300	-
Odlivi po osnovu isplata dobavljačima i dati av. u zemlji	(19.779.077)	(16.296.041)
Odlivi po osnovu isplata dobavljačima i dati av. u inostranstvu	(29.060)	(7.468)
Odlivi po osnovu isplata radnicima	(353.468)	(207.380)
Odlivi po osnovu poreza na dobit	(25.200)	(41.381)
Ostali odlivi iz poslovnih aktivnosti	(46.845)	(340.765)
Neto priliv (odliv) gotovine iz poslovnih aktivnosti	739.203	(341.151)
 Tokovi gotovine iz aktivnosti investiranja		
Neto priliv (odliv) gotovine iz aktivnosti investiranja	-	-
 Tokovi gotovine iz aktivnosti finansiranja		
Neto priliv (odliv) gotovine iz aktivnosti finansiranja	-	-
Ukupno prilivi gotovine	20.972.853	16.551.884
Ukupni odlivi gotovine	(20.233.650)	(16.893.035)
Neto priliv (odliv) gotovine	739.203	(341.151)
Gotovina na početku obračunskog perioda	185.607	526.758
Gotovina na kraju obračunskog perioda	924.810	185.607

Napomene na narednim stranama
čine sastavni dio ovih finansijskih izvještaja

NAPOMENE UZ FINANSIJSKE IZVJEŠTAJE

1. Osnovne informacije o društvu

Preduzeće EKP „ELKER“ a.d. Ljubija je osnovano 1949. godine. Do 30.06.1990. godine preduzeće je poslovalo u sastavu Elektrokeramičkog kombinata Prijedor pod nazivom „Stearin“ a od 01.07.1990. godine posluje samostalno pod nazivom „Elker“.

Dana 31.08.2001. godine u Osnovnom sudu u Banjoj Luci upisana je statusna promjena - vlasnička transformacija prodajom dijela državnog kapitala prema Zakonu o privatizaciji državnog kapitala u preduzećima (Službeni glasnik RS br. 24/98), organizovanje i usklajivanje normativnih akata sa odredbama Zakona o preduzećima (Službeni glasnik RS br. 24/98) kod osnovnog državnog preduzeća keramike i montirane keramike „ELKER“, akcionarsko društvo, Ljubija, registarski uložak broj: 1-1003-00, tako da posluje pod nazivom Elektrokeramičko preduzeće „ELKER“ a.d. Ljubija.

Skraćeni naziv preduzeća: EKP „ELKER“ a.d. Ljubija.

Sjedište preduzeća: Drage Lukića 39a, Ljubija, Prijedor.

Matični broj: 01277910

JIB: 4400693560007

PIB: 400693560007

Akcijski kapital Društva obuhvata 390.292 obične akcije, nominalne vrijednosti od 1 KM. Akcije Društva kotiraju na Banjalučkoj berzi pod oznakom ELKR-R-A.

Upravni odbor Društva čine:

- Nebojša Savanović
- Petar Vidović
- Ivana Vučenović

Direktor Društva je Goran Šiljegović.

Osnovna djelatnost Društva je proizvodnja uređaja za distribuciju i kontrolu električne energije (27.12).

U toku 2024. godine, Društvo je zapošljavalo prosječno 14 radnika (2023. godine 14).

2. Osnove za sastavljanje i prezentaciju finansijskih izvještaja i korišćenje procjenjivanja

2.1. Izjava o usaglašenosti

Priloženi finansijski izvještaji predstavljaju finansijske izvještaje akcionarskog društva EKP „ELKER“ a.d. Ljubija za godinu koja se završava na dan 31.12.2024. godine. Finansijski izvještaji su pripremljeni i prezentovani u skladu sa računovodstvenim propisima Republike Srpske.

2.2. Osnove za prezentaciju

Finansijski izvještaji su sastavljeni za period koji se završava na dan 31.12.2024. godine i izraženi su u konvertibilnim markama (KM). Uporedne podatke predstavljaju revidirani finansijski izvještaji za period koji se završavao na dan 31.12.2023. godine.

Društvo je u sastavljanju ovih finansijskih izvještaja primjenjivalo računovodstvene politike obrazložene u napomeni 3 uz finansijske izvještaje, koje su zasnovane na računovodstvenim i poreskim propisima Republike Srpske.

Društvo vodi evidenciju i sastavlja finansijske izvještaje u skladu sa Zakonom o računovodstvu i reviziji Republike Srpske i ostalom primjenjivom zakonskom regulativom u Republici Srpskoj i BiH.

Pored toga, priloženi finansijski izveštaji su sastavljeni u formatu propisanom Pravilnikom o sadržini i formi obrazaca finansijskih izvještaja za privredna društva, zadruge, druga prava lica i preduzetnike i Pravilnikom o sadržini i formi obrasca Izvještaja o promjenama na kapitalu.

Društvo priprema finansijske izvještaje u skladu sa načelom stalnosti poslovanja (going concern) s obzirom da Rukovodstvo nije identifikovala indikatore koji bi mogli ukazivati na nesigurnost u pogledu sposobnosti Društva da nastavi poslovati profitabilno u doglednoj budućnosti.

2.3. Uticaj i primjena novih i revidiranih MRS/MSFI

Priloženi pojedinačni finansijski izvještaji sastavljeni su uz primjenu Međunarodnih računovodstvenih standarda (MRS), odnosno Međunarodnih standarda finansijskog izvještavanja (MSFI), koji su bili u primjeni na dan 31. decembra 2024. godine.

Zakonom o računovodstvu i reviziji Republike Srpske ("Službeni glasnik RS", broj 94/15, 78/20) propisano je da sva pravna lica sa sjedištem u Republici Srpskoj u potpunosti primjenjuju MRS, odnosno MSFI, kao i Međunarodni standard finansijskog izvještavanja za male i srednje entitete ("MSFI za MSE"), Međunarodne računovodstvene standarde za javni sektor ("IPSAS"), Međunarodne standarde vrednovanja ("IVS"), Međunarodne standarde za profesionalnu praksu interne revizije, Konceptualni okvir za finansijsko izvještavanje, Kodeks etike za profesionalne računovođe i prateća uputstva, objašnjenja i smjernice koje donosi Odbor za međunarodne računovodstvene standarde ("IASB") i sva prateća uputstva, objašnjenja i smjernice koje donosi Međunarodna federacija računovođa ("IFAC").

U skladu sa Zakonom o računovodstvu i reviziji Republike Srpske, dana 9. novembra 2020. godine, Upravni odbor Saveza računovođa i revizora Republike Srpske, donio je

„Odluku o utvrđivanju i objavljivanju prevoda Međunarodnih standarda finansijskog izvještavanja (MSFI) iz 2019. kojeg čine: Konceptualni okvir za finansijsko izvještavanje i osnovni tekstovi Međunarodnih računovodstvenih standarda (MRS), odnosno Međunarodni standardi finansijskog izvještavanja (MSFI) izdati od Odbora za međunarodne računovodstvene standarde (IASB) kao i tumačenja izdata od Komiteta za tumačenje računovodstvenih standarda u obliku u kojem izdati, odnosno usvojeni i koji ne uključuju osnove za zaključivanje, ilustrujuće primjere, smjernice, komentare, suprotna mišljenja, razrađene primjere i drugi dopunski objašnjavajući materijal koji može da se usvoji u vezi sa standardima, odnosno tumačenjima, osim ako se izričito ne navodi da je on sastavni dio standarda, odnosno tumačenja.“

Navedenom Odlukom, utvrđuju se i objavljuju prevodi Standarda i tumačenja, izdatih od strane Odbora za međunarodne računovodstvene standarde iz 2019. godine, koji su objavljeni na internet stranici Saveza Računovođa i revizora Republike Srpske, a koji se počinju primjenjivati u Republici Srpskoj za finansijske izvještaje koji se sastavljaju na dan 31. decembra 2021. godine. Stupanjem na snagu ove odluke, prestaje da važi Odluka o početku obavezne primjene izdanja MRS/MSFI od 19. februara 2020. godine.

Rukovodstvo Društva analizira promjene u važećim Standardima i tumačenjima, kao i novousvojene Standarde i tumačenja izdata nakon 31. decembra 2019. godine, i nakon ustanovljavanja Standarda i tumačenja koji su relevantni za Društvo, ima namjeru da iste primjeni u sastavljanju pojedinačnih finansijskih izvještaja nakon što oni budu zvanično prevedeni i objavljeni u Republici Srpskoj.

Primjena novih i izmjena postojećih standarda, koji su stupili na snagu

Na dan odobravanja ovih pojedinačnih finansijskih izvještaja, sljedeći standardi i izmjene postojećih standarda, su u primjeni:

Standard	Naziv
Izmjene MSFI-ja 16	Obaveza po najmu u transakcijama prodaje s povratnim najmom - izdato u septembru 2022.
Izmjene MRS-a 1	Klasifikacija obaveza kao kratkoročnih ili dugoročnih i dugoročnih obaveza s ugovornim uslovima – originalno izdato u januaru 2020., izmijenjeno u julu 2020. i oktobru 2022.
Izmjene i dopune MRS-a 7 i MSFI-ja 7	Aranžmani za finansiranje dobavljača - objavljeno u maju 2023.

Usvajanje spomenutih novih standarda, izmjena postojećih standarda i tumačenja, nije vodilo značajnim promjenama u pojedinačnim finansijskim izvještajima Društva.

Novi standardi i izmjene postojećih standarda koji su izdati, a još nisu u primjeni

Na dan odobravanja ovih pojedinačnih finansijskih izvještaja, sljedeći Standardi i izmjene postojećih Standarda, kao i nova tumačenja su bili izdati, ali nisu postali efektivni:

Standard	Naziv	Datum stupanja na snagu
Izmjene MRS-a 21	Nemogućnosti razmjene – objavljeno u augustu 2023.	1. januara 2025.
MSFI 18	Prezentacija i Objave u finansijskim izvještajima (objavljen u aprilu 2024.)	1. januara 2027.
MSFI 19	Zavisna društva bez javne odgovornosti: Objave (objavljen u maju 2024.)	1. januara 2027.
Izmjene i dopune MSFI-ja 10 i MRS 28	Izmjene vezano za prodaju ili unos u imovini između investitora i pridruženog društva ili zajedničkog poduhvata – objavljeno u septembru 2014.	Odgodjeno na neodređeno vrijeme
Izmjene MSFI-a 9 i MSFI-a 7	Izmjene vezano za klasifikaciju i mjerjenje finansijskih instrumenata (objavljeno u maju 2024.)	1. januara 2026.
Izmjene MSFI-ja 9 i MSFI-ja 7	Ugovori o električnoj energiji koja zavisi od prirodnih uslova (objavljeno u decembru 2024.)	1. januara 2026.
Izmjene MSFI-ja 1, MSFI-ja 7, MSFI-ja 9, MSFI-ja 10 i MRS-a 7	Godišnja poboljšanja MSFI standarda - volume 11	1. januara 2026.

Rukovodstvo Društva je izabralo da ne usvoji ove nove Standarde i izmjene postojećih Standarda prije nego što stupe na snagu. Rukovodstvo predviđa da usvajanje novih Standarda i izmjena postojećih Standarda neće imati materijalan uticaj na pojedinačne finansijske izvještaje Društva u periodu inicijalne primjene.

2.4. Korišćenje procjenjivanja

Prezentacija finansijskih izvještaja zahtjeva od rukovodstva korišćenje najboljih mogućih procjena i razumnih pretpostavki, koje imaju efekta na prezentovane vrijednosti sredstava i obaveza i objelodanjivanje potencijalnih sredstava i obaveza na dan sastavljanja finansijskih izvještaja, kao i prihoda i rashoda u toku izvještajnog perioda. Ove procjene i pretpostavke su zasnovane na informacijama raspoloživim na dan sastavljanja finansijskih izvještaja, a budući stvarni rezultati mogu se razlikovati od procijenjenih iznosa.

3. Pregled značajnih računovodstvenih politika

3.1. Prihodi i rashodi

Prihodi od prodaje učinaka i robe se iskazuju po pravičnoj vrijednosti sredstava koja je primljena, ili će biti primljena, u neto iznosu, nakon umanjenja za date popuste i rabate.

Prihodi od prodaje učinaka i robe se priznaju u trenutku kada se kontrola nad njima prenese na kupca.

Društvo priznaje prihode kada ispunji obavezu izvršenja prenosom obećanih proizvoda kupcu. Obaveza izvršenja je ispunjena kada kupac stekne kontrolu nad proizvodima. Transakcionalna cijena je određena na osnovu utvrđene cijene za pojedinačan proizvod. Društvo vrši procjene koje utiču na utvrđivanje visine i vremenskog rasporeda priznavanja prihoda od ugovora s kupcima što uključuje utvrđivanje momenta ispunjavanja obaveza izvršenja kao i određivanja transakcione cijene koja je alocirana na iste. Za obaveze izvršenja koje Društvo ispunjava u određenom trenutku, prihod se priznaje jedokratno, u momentu izvršenja obaveza, odnosno kada je priuzvod isporučen kupcu. Kod ugovora koji su u skladu sa MSFI 15, prihodi se priznaju na bazi fakturisane realizacije. Društvo ima pravo da zahtijeva od kupca onaj iznos koji direktno odgovara vrijednosti prenesenih proizvoda u ugovorenom periodu u kojem je Društvo fakturisalo određeni iznos za prenijete proizvode.

Prihodi i rashodi poslovanja, ostali prihodi i ostali rashodi, iskazuju se po načelu uzročnosti prihoda i rashoda.

Prihod od zakupa priznaje se po osnovu fakturna koje se mjesечно šalju zakupcima po osnovu ugovora o zakupu.

Prihodi i rashodi finansiranja se priznaju po obračunskoj osnovi u periodu na koji se odnose.

3.2. Preračunavanje deviznih iznosa

Funkcionalna i izvještajna valuta Društva je Konvertibilna marka (KM).

Poslovne promjene nastale u stranoj valuti su preračunate u KM po zvaničnom kursu Centralne banke koji je važio na dan poslovne promjene.

Novčana sredstva i obaveze iskazane u stranoj valuti na dan izvještaja o finansijskom položaju, preračunati su u KM po zvaničnom srednjem kursu Centralne banke koji je važio na taj dan.

Nenovčana sredstva i obaveze u stranoj valuti ne preračunavaju se na dan finansijskih izvještaja, te su iskazani su po srednjem kursu Centralne banke koji je važio na dan priznavanja sredstva/obaveze.

Pozitivne i negativne kursne razlike nastale preračunom sredstava i obaveza u stranim sredstvima plaćanja na dan izvještaja o finansijskom položaju i kursne razlike nastale preračunom poslovnih promjena u stranim sredstvima plaćanja u toku godine, evidentiraju se u korist ili na teret rezultata perioda u izvještaju o ukupnom rezultatu.

3.3. Nekretnine postrojenja i oprema

Materijalna stalna sredstva vrednuju se i iskazuju po trošku nabavke, odnosno nabavnoj cijeni.

Nabavnu vrijednost čini fakturisana vrijednost, uvećana za sve troškove nastale do dovodenja sredstva u odgovarajuće stanje i lokaciju.

Knjigovodstvena vrijednost nekretnina, postrojenja i opreme se ispituje u pogledu obezvređenja, onda kada događaji ili promjene u okolnostima ukazuju da knjigovodstvena vrijednost premašuje njihovu nadoknadivu vrijednost.

Troškovi popravki i održavanja nekretnina, postrojenja i opreme i investicionih nekretnina priznaju se kao rashod u periodu u kom su nastali.

Za veća obnavljanja koja dovode do promjene funkcionalne vrijednosti stalne imovine, održavanja i popravke se kapitalizuju i amortizuju u skladu sa procijenjenim vijekom trajanja.

Amortizacija se ravnomjerno obračunava na nabavnu vrijednost, umanjenu za eventualnu procijenjenu rezidualnu vrijednost, primjenom procijenjenog korisnog vijeka upotrebe sredstva.

Amortizacija se ne obračunava na osnovna sredstva u pripremi dok sredstva nisu spremna za svoju namjenu.

Nekretnine, postrojenja i oprema isknjižavaju se iz evidencije po otuđenju, ili kada se ne očekuju buduće ekonomske koristi od upotrebe ili otuđenja tog sredstva. Dobici ili gubici po osnovu isknjižavanja sredstva (kao razlika između neto prodajne vrijednosti i neto knjigovodstvene vrijednosti) priznaju se u izještaju o ukupnom rezultatu odgovarajućeg perioda.

3.4. Sredstva i obaveze po osnovu zakupa

Sredstva uzeta u zakup u računovodstvu zajmoprimec se priznaje u skladu sa MSFI 16, koji je na snazi od 1. januara 2021. godine, dok je računovodstvo zajmodavca ostalo nepromijenjeno.

Društvo na početku ugovora o zakupu procjenjuje da li ugovor predstavlja ugovor o zakupu, odnosno da li sadrži elemente zakupa. Ugovor predstavlja ugovor o zakupu ukoliko se njime ustupa pravo kontrole nad korištenjem određene imovine tokom ugovorenog perioda u zamjenu za naknadu.

Društvo priznaje imovinu uzetu u zakup i obavezu po ugovoru o zakupu uzimajući u obzir ugovorena plaćanja, period trajanja zakupa i diskontnu stopu. Inicijalno vrednovanje imovine uzete u zakup vrši se prema trošku uključujući iznos početnog mjerena obaveze za imovinu uzetu u zakup, sve početne direktnе troškove, te procijenjene troškove demontaže, obnavljanja lokacije ili vraćanja imovine u provobitno stanje, osim ako su takvi troškovi nematerijalni.

Prilikom procjene perioda trajanja zakupa uzima se u obzir period bez mogućnosti otkazivanja, opcioni period za produžetak zakupa, te vjerovatnoća da će društvo koristiti/neće koristiti navedenu opciju.

Obaveza za imovinu uzetu u zakup se mjeri po sadašnjoj vrijednosti svih plaćanja u vezi sa zakupom koja nisu izvršena na dan priznavanja. Ova plaćanja se diskontuju po kamatnoj stopi sadržanoj u zakupu odnosno inkrementalnoj kamatnoj stopi zaduživanja.

Kratkoročni zakup je zakup koji na datum početka zakupa ima ugovoren period zakupa najviše 12 mjeseci i koji ne sadrži mogućnost kupovine predmetne imovine. Sva plaćanja povezana sa ovim zakupom se priznaju kao trošak na pravolinijskoj osnovi tokom trajanja zakupa.

Društvo je izabralo da priznaje kao imovinu i obavezu sve zakupe, osim kratkoročnih, bez obzira na njihovu vrijednost.

Sredstva uzeta u zakup naknadno se vrednuju po nabavnoj vrijednosti umanjenoj za amortizaciju i obezvređenje. Amortizuju se obračunava u periodu trajanja zajma pravolinijskom metodom.

3.5. Zalihe

Zalihe se vrednuju po nabavnoj vrijednosti ili po neto prodajnoj vrijednosti, u zavisnosti koja je niža.

Nabavna vrijednost obuhvata fakturnu vrijednost, uvozne dažbine, troškove transporta, rukovanja i ostale troškove dovođenja zaliha na postojeću lokaciju i u postojeće stanje. Trgovinski popusti, rabati i slično umanjuju nabavnu vrijednost.

Neto prodajna vrijednost je cijena po kojoj zalihe mogu biti prodate u normalnim uslovima poslovanja, nakon umanjenja cijena za troškove prodaje.

Obračun utroška zaliha materijala se vrši po metodi prosječne ponderisane cijene.

Ispravka vrijednosti zastarjelih zaliha i zaliha sa sporim obrtom vrši se u skladu sa analizom starosne strukture zaliha, sa posebnim naglaskom na rok zastarjelosti kao i na očekivanu potrošnju ili očekivanu prodaju na tržištu.

3.6. Klasifikacija finansijskih instrumenata

Finansijska sredstva uključuju dugoročne finansijske plasmane, potraživanja i gotovinu i gotovinske ekvivalente. Klasifikacija zavisi od svrhe za koju su sredstva stečena. Rukovodstvo Društva utvrđuje klasifikaciju finansijskih sredstava prilikom inicijalnog priznavanja.

Finansijske obaveze uključuju dugoročne finansijske obaveze, kratkoročne finansijske obaveze, obaveze iz poslovanja i ostale kratkoročne obaveze. Društvo klasificiše finansijske obaveze u dvije kategorije: obaveze po fer vrijednosti kroz bilans uspjeha i ostale finansijske obaveze.

Metod efektivne kamate

Metod efektivne kamate je metod izračunavanja amortizovane vrijednosti finansijskog sredstva ili finansijske obaveze i raspodjele prihoda i rashoda od kamate tokom određenog perioda. Efektivna kamatna stopa je kamatna stopa koja tačno diskonтуje buduće 6 gotovinske isplate ili primanja tokom očekivanog roka trajanja finansijskog instrumenta ili, gdje je prikladno, tokom kraćeg perioda, na neto knjigovodstvenu vrijednost finansijskog sredstva ili finansijske obaveze.

Gotovina i gotovinski ekvivalenti

Pod gotovinom i gotovinskim ekvivalentima podrazumijevaju se novac u blagajni, sredstva na tekućim i deviznim računima, kao i kratkoročni depoziti do tri meseca koje je moguće lako konvertovati u gotovinu i koji su predmet beznačajnog rizika od promjene vrijednosti.

Potraživanja

Potraživanja od kupaca i ostala potraživanja sa fiksnim ili odredivim plaćanjima koja se ne kotiraju na aktivnom tržištu klasificuju se kao potraživanja. Potraživanja od kupaca se inicijalno iskazuju po vrijednosti iz originalne fakture ukoliko je prodaja izvršena u uobičajenim rokovima prodaje. Za potraživanja koja sadrže znčajnu finansijsku komponentu, inicijalna vrijednost predstavlja faktturnu vrijednost diskontovanu na sadašnju vrijednost primjenom efektivne kamatne stope. Potraživanja od kupaca denominovana u stranoj valuti preračunavaju se u izvještajnu valutu po važećem kursu na dan transakcije. Na dan bilansa potraživanja od ino kupaca preračunavaju se prema važećem kursu objavljenom od strane Centrane banke BiH a kursne razlike se priznaju kao prihod ili rashod obračunskog perioda.

Potraživanja se vrednuju po amortizovanoj vrijednosti, primjenom metode efektivne kamate, umanjenoj za očekivane kreditne gubitke po osnovu obezvredjenja. Prihod od kamate se priznaje primjenom metoda efektivne kamate, osim u slučaju kratkoročnih potraživanja, gdje priznavanje prihoda od kamate ne bi bilo materijalno značajno.

Umanjenja vrijednosti finansijskih sredstava

Na dan svakog bilansa stanja Društvo procjenjuje da li postoje objektivni dokazi da je došlo do umanjenja vrijednosti potraživanja.

Obezvredjenje finansijskih sredstava se vrši kada postoje objektivni dokazi da su, kao rezultat jednog ili više događaja koji su se desili nakon početnog priznavanja finansijskog sredstva, procjenjeni budući novčani tokovi sredstava izmjenjeni.

Obezvredjenje (ispravka vrijednosti) potraživanja vrši se na osnovu procjenjenih gubitaka uslijed nemogućnosti kupaca da ispune svoje obaveze. Procjena rukovodstva je zasnovana na starosnoj analizi potraživanja od kupaca, istorijskim otpisima, kreditnoj sposobnosti kupaca i promjenama u postojećim uslovima prodaje. Ovo uključuje i pretpostavke o budućem ponašanju kupaca i očekivanoj budućoj naplati. Promjene u uslovima poslovanja, djelatnosti ili okolnosti vezani za određene kupce mogu da imaju za posljedicu korekciju ispravke vrijednosti sumnjivih i spornih potraživanja objelodanjene u priloženim pojedinačnim finansijskim izvještajima.

Obezvredjenje potraživanja vrši se indirektno za iznos dospjelih potraživanja koja nisu naplaćena u određenom periodu od datuma dospijeća za plaćanje, a direktno ako je

nemogućnost naplate izvjesna i dokumentovana. Promjene na računu ispravke vrijednosti potraživanja evidentiraju se u korist ili na teret bilansa uspjeha. Naplata otpisanih potraživanja knjiži se u bilansu uspjeha kao ostali prihod.

Sva potraživanja sa saldom na dan bilansa iznad 100.000 KM pojedinačno se procjenjuju, dok se ostala potraživanja grupišu prema sličnim karakteristikama i grupno procjenjuju. Društvo je grupisalo potraživanja u tri grupe: kupci povezana pravna lica, kupci iz inostranstva i kupci iz BiH.

Finansijske obaveze

Finansijske obaveze obuhvataju dugoročne obaveze (dugoročni krediti), kratkoročne obaveze iz poslovanja i ostale obaveze. Finansijske obaveze se priznaju kada Društvo postane jedna od strana u ugovorenim odredbama instrumenta. Početno priznavanje finansijskih obaveza vrši se prema njihovoј fer vrijednosti. Troškovi transakcija se uključuju u početno procjenjivanje svih finansijskih obaveza, osim u slučaju kada se radi o finansijskim obavezama koje se vrednuju po fer vrijednosti kroz bilans uspjeha. Nakon početnog priznavanja, finansijske obaveze se vrednuju po amortizovanoj vrijednosti korišćenjem metode efektivne kamate. Rashod po osnovu kamata se priznaje u bilansu uspjeha obračunskog perioda.

3.7. Porezi i doprinosi

Tekući porez na dobitak

Tekući porez na dobitak predstavlja iznos koji se obračunava i plaća u skladu sa Zakonom o porezu na dobit. Tekući porez na dobitak predstavlja iznos koji se obračunava primjenom propisane poreske stope od 10% na osnovicu utvrđenu prijavom poreza na dobit koju predstavlja iznos dobitka prije oporezivanja po odbitku efekata usklađivanja prihoda i rashoda.

Poreski propisi Republike Srpske ne predviđaju mogućnost da se poreski gubici iz tekućeg perioda mogu koristiti kao osnova za povraćaj poreza plaćenog u prethodnim periodima. Međutim, gubici iz tekućeg perioda iskazani u poreskom bilansu mogu se koristiti za umanjenje poreske osnovice budućih obračunskih perioda, ali ne duže od pet godina.

Odloženi porez na dobitak

Odloženi porez na dobitak se obračunava korišćenjem metode utvrđivanja obaveza prema finansijskim izvještajima, za privremene razlike proizašle iz razlike između poreske osnove imovine i obaveza u izvještaju o finansijskom položaju i njihove knjigovodstvene vrijednosti. Važeće poreske stope na dan izvještaja o finansijskom položaju ili poreske stope koje su nakon tog dana stupile na snagu, koriste se za utvrđivanje razgraničenog iznosa poreza na dobitak. Odložene poreske obaveze se priznaju za sve oporezive privremene razlike. Odložena poreska sredstva se priznaju za sve odbitne privremene razlike i efekte poreskih gubitaka i poreskih kredita, koji se mogu prenositi u naredne fiskalne periode, do stepena do kojeg će vjerovatno postojati oporezivi dobitak od kojeg se prenijeti poreski gubitak i krediti mogu umanjiti.

Porezi i doprinosi koji ne zavise od rezultata

Porezi i doprinosi koji ne zavise od rezultata predstavljaju plaćanja prema važećim republičkim i opštinskim propisima radi finansiranja raznih komunalnih i republičkih potreba. Ovi porezi i doprinosi uključeni su u okviru poslovnih rashoda.

Porez na dodatu vrijednost

Zakonom o porezu na dodatu vrijednost (PDV) uvedena je obaveza i regulisan je sistem plaćanja PDV na teritoriji Bosne i Hercegovine, počevši od 1. januara 2006. godine, čime je zamijenjen sistem oporezivanja primjenom poreza na promet proizvoda i usluga.

Jedinstvena poreska stopa na proizvode i usluge u BiH je 17%. Na proizvode i robu koja se izvoze iz BiH ne obračunava se PDV.

4. Prikazi

4.1. Poslovni prikazi

(u KM)

<i>Opis</i>	<i>2024.</i>	<i>2023.</i>
<i>Prihodi od prodaje robe povezanim licima</i>	2.460.064	6.677.171
<i>Prihodi od prodaje robe u zemlji</i>	6.785.654	321.156
<i>Prihodi od prodaje robe u inostranstvu</i>	-	-
<i>Prihodi od prodaje robe</i>	9.245.718	6.998.327
<i>Prihodi od prodaje proizvoda povezanim licima</i>	6.262.058	6.772.454
<i>Prihodi od prodaje proizvoda u zemlji</i>	3.101.640	194.119
<i>Prihodi od prodaje proizvoda u inostranstvu</i>	41.579	8.889
<i>Prihodi od prodaje proizvoda</i>	9.405.277	6.975.462
<i>Prihodi od pruženih usluga povezanim licima</i>	-	-
<i>Prihodi od pruženih usluga u zemlji</i>	101.000	-
<i>Prihodi od pruženih usluga u inostranstvu</i>	-	-
<i>Prihodi od pruženih usluga</i>	101.000	-
<i>Promjena vrijednosti zaliha učinaka</i>	47.655	2.400
<i>Ostali poslovni prikazi</i>	32.400	32.400
Ukupno poslovni prikazi	18.832.050	14.008.589

4.2. Finansijski prihodi

(u KM)

<i>Opis</i>	2024.	2023.
Prihodi od kamata	-	341
Ostali finansijski prihodi	7.970	-
Ukupno finansijski prihodi	7.970	341

4.3. Ostali prihodi

(u KM)

<i>Opis</i>	2024.	2023.
Prihodi od smanjenja obaveza, ukidanja rezervisanja i ostali nepomenuti prihodi	8.557	-
Ukupno ostali prihodi	8.557	-

5. Rashodi

5.1. Poslovni rashodi

(u KM)

Opis	2024.	2023.
Nabavna vrijednost prodate robe	9.206.252	6.748.345
<i>Troškovi materijala za izradu</i>	8.314.369	6.187.000
<i>Troškovi ostalog materijala</i>	338	1.541
Troškovi materijala	8.314.707	6.188.541
<i>Troškovi električne energije</i>	149.492	130.694
<i>Troškovi goriva i maziva</i>	8.058	32.340
Troškovi goriva i energije	157.550	163.034
<i>Troškovi bruto zarada i bruto naknada zarada</i>	227.454	174.726
<i>Ostali lični rashodi</i>	126.014	86.969
Troškovi zarada i ostali lični rashodi	353.468	261.695
Troškovi proizvodnih usluga	167.878	153.279
<i>Troškovi amortizacije</i>	144.514	148.173
<i>Troškovi rezervisanja</i>	-	-
Troškovi amortizacije i rezervisanja	144.514	148.173
Nematerijalni troškovi	81.881	77.121
Troškovi poreza	23.430	18.580
Troškovi doprinosa	-	-
Ukupno poslovni rashodi	18.449.680	13.758.768

Najveći dio troškova materijala za izradu odnosi se na utrošeni repromaterijal (8.309.063 KM).

Troškovi amortizacije odnose se na amortizaciju postrojenja i opreme (144.514 KM).

5.2. Finansijski rashodi

(u KM)

Opis	2024.	2023.
Rashodi kamata	777	202
Ukupno finansijski rashodi	777	202

5.3. Ostali rashodi

(u KM)

<i>Opis</i>	2024.	2023.
Manjkovi	1.238	-
Rashodi po osnovu rashodovanja zaliha materijala i robe i ostali rashodi	74.977	14.000
Ukupno ostali rashodi	76.215	14.000

6. Rezultat poslovanja

(u KM)

<i>Opis</i>	2024.	2023.
<i>Poslovni prihodi</i>	<i>18.832.050</i>	<i>14.008.589</i>
<i>Poslovni rashodi</i>	<i>(18.449.680)</i>	<i>(13.758.768)</i>
Poslovni dobitak (gubitak)	382.370	249.821
<i>Finansijski prihodi</i>	<i>7.970</i>	<i>341</i>
<i>Finansijski rashodi</i>	<i>(777)</i>	<i>(202)</i>
Neto efekat finansiranja	7.193	139
<i>Ostali prihodi</i>	<i>8.557</i>	<i>-</i>
<i>Ostali rashodi</i>	<i>(76.215)</i>	<i>(14.000)</i>
Efekat ostalih prihoda i rashoda	(67.658)	(14.000)
Efekat prihoda i rashoda od usklađivanja imovine	(77.765)	-
Bruto dobitak (gubitak) perioda	244.140	235.960
<i>Umanjenja poreske osnovice</i>	<i>(38.090)</i>	<i>-</i>
<i>Povećanja poreske osnovice</i>	<i>-</i>	<i>16.900</i>
Efekat usklađivanja poreske osnovice	(38.090)	16.900
Osnovica za obračun poreza na dobit	206.050	252.860
Porez na dobit 10%	(20.605)	(25.286)
Neto rezultat perioda	223.535	210.674
Efektivna stopa poreza na dobit	8.44%	10.72%

7. Nekretnine, postrojenja i oprema

(u KM)

<i>Opis</i>	<i>Zemljište</i>	<i>Gradevinski objekti</i>	<i>Postrojenja i oprema</i>	<i>Nekretnine, postrojenja i oprema u pripremi</i>	<i>Ukupno</i>
<i>Nabavna vrijednost</i>					
Stanje na dan 31.12.2023.	104.195	1.832.867	2.045.400	80.000	4.062.462
Nabavka 2024.	-	-	155.001	316.842	471.843
Preneseno u upotrebu	-	-	290.292	(290.292)	-
Prodaja i rashodovanje 2024.	-	-	-	-	-
Stanje na dan 31.12.2024.	104.195	1.832.867	2.490.693	106.550	4.534.305
<i>Ispravka vrijednosti</i>					
Stanje na dan 31.12.2023.	-	1.832.867	1.530.707	-	3.363.574
Amortizacija 2024.	-	-	144.514	-	144.514
Ostala povećanja	-	-	31.001	-	31.001
Prodaja i rashodovanje 2024.	-	-	-	-	-
Stanje na dan 31.12.2024.	-	1.832.867	1.706.222	-	3.539.089
<i>Sadašnja vrijednost</i>					
Stanje na dan 31.12.2023.	104.195	-	514.693	80.000	698.888
Stanje na dan 31.12.2024.	104.195	-	784.471	106.550	995.216

8. Zalihe i dati avansi

(u KM)

<i>Opis</i>	<i>Stanje 31.12.2024.</i>	<i>Stanje 31.12.2023.</i>
Zalihe materijala	229.530	83.772
Zalihe nedovršene proizvodnje	10.890	7.230
Zalihe gotovih proizvoda	71.769	27.774
Zalihe robe u veleprodaji	149.257	141.133
Dati avansi	-	-
Ukupno zalihe i dati avansi	461.446	259.909

9. Kratkoročna potraživanja

(u KM)

<i>Opis</i>	<i>Stanje 31.12.2024.</i>	<i>Stanje 31.12.2023.</i>
Potraživanja od povezanih pravnih lica	-	1.159.988
<i>Potraživanja od kupaca RS</i>	<i>418.051</i>	<i>36.084</i>
<i>Potraživanja od kupaca FBiH</i>	<i>1.885.281</i>	<i>49.458</i>
<i>Potraživanja od kupaca Distrikt Brčko</i>	-	-
<i>Sumnjiva i sporna potraživanja</i>	-	-
<i>IV potraživanja od kupaca u zemlji</i>	<i>(77.765)</i>	-
Potraživanja od kupaca u zemljii	2.225.567	85.542
<i>Potraživanja od kupaca u inostranstvu</i>	-	8.889
<i>IV potraživanja od kupaca u inostranstvu</i>	-	8.889
Potraživanja od kupaca u inostranstvu - neto	-	8.889
Druga kratkoročna potraživanja	308	-
Ukupno kratkoročna potraživanja	2.225.875	1.254.419

10. Gotovina i ekvivalenti gotovine

(u KM)

<i>Opis</i>	<i>Stanje 31.12.2024.</i>	<i>Stanje 31.12.2023.</i>
Gotovina na žiro - računima	877.613	160.697
Gotovina u blagajni	2.411	1.302
Gotovina na deviznim računima	44.786	23.608
Gotovina u deviznoj blagajni	-	-
Ukupno gotovinski ekvivalenti i gotovina	924.810	185.607

11. Porez na dodatu vrijednost

(u KM)

<i>Opis</i>	<i>Stanje 31.12.2024.</i>	<i>Stanje 31.12.2023.</i>
PDV u primljenim fakturama i PDV plaćen pri uvozu	5.905	1.680
Potraživanja po osnovu razlike ulaznog i izlaznog PDV-a	27.986	36.589
Ukupno PDV	33.891	38.269

12. Kapital

Struktura kapitala na dan 31.12.2024. godine je data u sljedećoj tabeli:

Opis	(u KM)	
	Stanje 31.12.2024.	Stanje 31.12.2023.
Akcijski kapital	390.292	390.292
Neraspoređeni dobitak ranijih godina	1.705.525	1.383.097
Neraspoređeni dobitak tekuće godine	223.535	198.428
Neraspoređeni dobitak	1.929.060	1.581.525
Ukupno kapital	2.319.352	1.971.817

Struktura vlasništva najvećih akcionara na dan 31.12.2024. godine je sljedeća:

Naziv akcionara	Procenat vlasništva %
Bojić Goran	30.00
Inving Invest Inženjering d.o.o. Prijedor	57.53
Ostali akcionari	12.47
Ukupno	100.00

Akcijama Društva se trguje na Banjalučkoj berzi Banja Luka pod oznakom ELKR-R-A. Posljednji datum trgovanja bio je 25.03.2024. godine po cijeni 0,776 KM.

13. Dobavljači i primljeni avansi

Opis	(u KM)	
	Stanje 31.12.2024.	Stanje 31.12.2023.
Dobavljači - povezana pravna lica	1.986.178	-
Ostali dobavljači u zemlji	282.851	415.348
Ukupno dobavljači i primljeni avansi	2.269.029	415.348

14. Obaveze za zarade i naknade

Opis	(u KM)	
	Stanje 31.12.2024.	Stanje 31.12.2023.
Obaveze za neto zarade i naknade zarada	32.664	20.452
Obaveze za porez na zarade i naknade	1.359	414
Obaveze za doprinose na zarade i naknade	8.152	5.990
Obaveze za ostala lična primanja	-	-
Obaveze za zarade i naknade zarada	42.175	26.856

15. Obaveze za poreze i doprinose

(u KM)

Opis	Stanje 31.12.2024.	Stanje 31.12.2023.
Obaveze za PDV	180	8.502
Obaveze za porez na dobit	-	4.286
Obaveze za ostale poreze, doprinose i dažbine	10.502	10.283
Obaveze za poreze i doprinose	10.682	23.071

16. Potencijalna sredstva i potencijalne preuzete obaveze

Prema saznanjima rukovodstva Društva, na dan 31.12.2024. godine protiv Društva se ne vodi nijedan sudski spor.

Društvo trenutno vodi sedam sporova protiv kupaca u zemlji, u ukupnoj vrijednosti od 692.081 KM.

Nema upisanih tereta na pokretnoj i nepokretnoj imovini Društva.

17. Transakcije sa povezanim stranama

Bilans stanja

Opis	Inving	BG Energo	Ukupno
Potraživanja za robu, proizvode i usluge	-	-	-
Obaveze za proizvode, robu i usluge	(809.293)	(1.176.885)	(1.986.178)
Razlika	(809.293)	(1.176.885)	(1.986.178)

Bilans uspjeha

Opis	Inving	BG Energo	Ukupno
Prihodi od prodaje robe robe	482.452	1.977.612	2.460.064
Prihodi od prodaje gotovih proizvoda	3.952.220	2.309.838	6.262.058
Prihodi od zakupa	18.000	14.400	32.400
Ukupno prihodi	4.452.672	4.291.850	8.754.522
Troškovi nabavne vrijednosti prodane robe	(323.243)	(1.156.230)	(1.479.473)
Troškovi koji ulaze cijenu koštanja	(2.489.899)	(1.409.820)	(3.899.719)
Troškovi toplog obroka	(27.890)	(8.687)	(36.577)
Troškovi zakupa	(12.000)	(12.000)	(24.000)
	(2.853.032)	(2.586.737)	(5.439.769)
Razlika			3.314.753

18. Događaji nakon datuma finansijskih izvještaja

Nakon datuma bilansiranja nije bilo događaja koji bi zahtijevali korekciju finansijskih izvještaja za 2024. godinu.

Potvrđeno od strane

EKP „ELKER“ a.d.

Direktor

